



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/01-14-39402.6/18/19
Sarajevo, 25. 1. 2019. godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 70. Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), na preporuku Komisije za provođenje javne nabavke putem otvorenog postupka za nabavku usluga – prevoz za učenike osnovnih i srednjih škola (Zapisnik o pregledu i ocjeni ponuda broj: 11/01-14-39402.3/19 od 24. 1. 2019. godine), ministrica za obrazovanje, nauku i mlade Kantona Sarajevo, donosi:

O D L U K U
o izboru najpovoljnijeg ponuđača

Član 1.

Prihvata se Preporuka Komisije za provođenje javne nabavke putem otvorenog postupka za nabavku usluga – Nabavka usluga prevoza učenika osnovnih i srednjih škola za LOT 2 – “Prevoz učenika šestih razreda osnovnih škola za potrebe realizacije projekta „Škola skijanja““ i dodjeljuje se prvorangiranom ponuđaču **„CENTROTRANS EUROLINES“ d.d. Sarajevo** u ukupnoj vrijednosti od **84.920,00KM bez PDV-a**.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest dana), računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan u roku od 5 (pet) dana od dana prijema ove Odluke dostaviti dokumente iz člana 45. stav (1) tačka a) do d) Zakona o javnim nabavkama, kojim dokazuju ispunjenje uslova definisanih ovim tačkama. Dokumenta moraju biti fizički dostavljena na protokol Ugovornog organa u radnom vremenu ugovornog organa (od 08:00 do 16:00 sati), te za ugovorni organ nije relevantno na koji su način poslani. Dostavljeni dokumenti moraju biti originali ili ovjerene kopije i ne mogu biti stariji od 3 (tri) mjeseca, računajući od dana dostavljanja ponude.

Član 3.

Ova Odluka objavit će se na web stranici ugovornog organa, <http://www.mon.ks.gov.ba>, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11/01-14-39402/18 od 12.12.2018. godine – **Nabavka prevoza učenika osnovnih i srednjih škola, putem otvorenog postupka.**

Procijenjena vrijednost javne nabavke namještaja, sportske i kompjuterske opreme za LOT 2 - "Prevoz učenika šestih razreda osnovnih škola za potrebe realizacije projekta „Škola skijanja“ iznosila je 85.000,00KM.

Za predmetnu nabavku objavljeno je obavještenje o nabavci na portalu javnih nabavki pod brojem 5774-1-2-17-3-19/18 od 11.1. 2019. godine.

U skladu sa provođenjem postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 17. 1. 2019. godine do 10,00 h konstatirala da su u uredno zatvorenim kovertama dostavljene ponude ponuđača za nabavku usluga – **Nabavka prevoza učenika osnovnih i srednjih škola LOT 2 - Prevoz učenika šestih razreda osnovnih škola za potrebe realizacije projekta „Škola skijanja“:**

R.br	PONUĐAČ
1.	„CENTROTRANS EUROLINES“ d.d. Sarajevo
2.	„VILDAN TOURS“ d.o.o. i ATTP „CENTROPREVOZ“ d.o.o. („grupa ponuđača“)

Komisija za provođenje javne nabavke, formirana Rješenjem broj: 11/01-14-39402.1/18 od 13.12.2018. godine provela je proceduru nabavke, obavila je javno otvaranje ponuda, sačinila i dostavila Zapisnik o otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Tenderskoj dokumentaciji. Zapisnik o pregledu i ocjeni ponuda broj: 11/01-14-39402.3/18/19 od 24. 1. 2019. godine čini sastavni dio ove Odluke i u istom je utvrđeno sljedeće:

- da je ukupan broj pristiglih ponuda dvije (2);
- da su blagovremeno zaprimljene ukupno dvije (2);
- da nema neblagovremeno zaprimljenih ponuda;
- da je ponuda ponuđača „CENTROTRANS EUROLINES“ d.d. Sarajevo formalno-pravno ispravna, odnosno ista ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa;
- da se ponuda ponuđača „VILDAN TOURS“ d.o.o. i ATTP „CENTROPREVOZ“ d.o.o. („grupa ponuđača“) isključena iz postupka evaluacije kao tehnički neusaglašene, odnosno zbog počinjene proceduralne greške koja se ogleda u slijedećem:

- Aneks I „Obrazac za dostavljanje ponude“ koji je propisan Uputstvom za pripremu modela tenderske dokumentacije i ponuda („Službeni glasnik BiH“, broj 90/14 i 20/15) nije popunjen u skladu sa uputama koje su date u obrascu. Naime, u konkretnom obrascu je propisano da ukoliko ponudu dostavlja grupa ponuđača Izjavu popunjava predstavnik grupe ponuđača, a u istoj Izjavi se navodi ime i prezime osobe ovlaštene da predstavlja ponuđača i njen potpis.

Ponuda „grupe ponuđača „VILDAN TOURS“ d.o.o. i ATTP „CENTROPREVOZ“ d.o.o. na str. 2 sadrži „PREDMET: Ime i sjedište grupe ponuđača“ gdje su navedena imena i sjedišta obje firme, a kao kontakt osoba ovlaštena za komunikaciju i zaključivanje ugovora navodi se Šiljak Vildana.

U Obrascu za dostavljanje ponude, kao kontakt osoba, naveden je ponuđač „VILDAN TOURS“ d.o.o, Vildana Šiljak, a u nastavku obrasca, u dijelu „Izjava ponuđača“ kao ime i prezime osobe koja je ovlaštena da predstavlja ponuđača navedeni su slijedeći: Šiljak Vildana – VILDAN TOURS d.o.o i Haris Ražanica - ATTP CENTROPREVOZ. Iste osobe su stavile svoj potpis, te pečate i sjedišta firme iz koje dolaze.

Iz navedenog nije bilo moguće utvrditi u kom svojstvu nastupaju ponuđači „VILDAN TOURS“ d.o.o. i ATTP „CENTROPREVOZ“ d.o.o.

Pomenuti ponuđači su pismeno obaviješteni o istom, sa razlozima odbacivanja ponude.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskoj dokumentaciji, u cijelosti se prihvata Zapisnik o pregledu i ocjeni ponuda.

U skladu sa gore navedenim, **ugovor se dodjeljuje ponuđaču „CENTROTRANS EUROLINES“ d.d. Sarajevo** u ukupnoj vrijednosti od **84.920,00KM bez PDV-a**. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvu za obrazovanje, nauku i mlade Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu od **2.000,00 KM**, u skladu sa članom 108. stav (1) tačka b) Zakona o javnim nabavkama ("Službeni glasnik Bosne i Hercegovine", broj 39/14).

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

- Zapisnik o pregledu i ocjeni ponuda broj: 11/01-14-39402.3-1/18/19 od 24. 1. 2019. godine

Dostaviti:

1. Ponuđačima
2. Ministarstvu za obrazovanje, nauku i mlade KS
3. a/a



web: <http://www.mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128
Fax: + 387 (0) 33 562-218
Sarajevo, Reisa Džemaludina Čauševića 1

